

Na osnovu člana 52. stav (7) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 3. stav (2) tačka a) podtačka 5) Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) i člana 41. Statuta Grada Tuzle („Službeni glasnik Grada Tuzla“, broj: 6/21 i 4/25), Gradonačelnik Grada Tuzle donosi

O D L U K U

o privrednim subjektima s kojima je predstavnik ugovornog organa ili s njim povezane osobe u sukobu interesa

Član 1.

Ovom Odlukom utvrđuje se lista privrednih subjekata s kojima je predstavnik ugovornog organa Grada Tuzle ili s njim povezane osobe u sukobu interesa, u smislu člana 52. Zakona o javnim nabavkama, te koji su iz tog razloga isključeni iz postupaka javnih nabavki koje provodi Grad Tuzla i njegove gradske službe za upravu, stručne i druge službe.

Član 2.

U postupcima javnih nabavki koje provodi Grad Tuzla kao ugovorni organ, a za koje ugovor o javnoj nabavci potpisuje Gradonačelnik, ne postoje privredni subjekti s kojima postoji sukob interesa.

Član 3.

U postupcima nabavke koje, na osnovu ovlaštenja Gradonačelnika, provode sljedeće gradske službe za upravu, stručne i druge službe i to:

- Gradsko vijeće
- Služba za budžet i finansije
- Služba za ekonomski razvoj, poduzetništvo i poljoprivredu,
- Služba za komunalne poslove, izgradnju i poslove mjesnih zajednica,
- Služba za inspekcijske poslove,
- Služba za opću upravu,
- Služba za boračko-invalidsku zaštitu, povratak i integraciju raseljenih lica,
- Služba civilne zaštite,
- Upravna organizacija Zavod za urbanizam,
- Stručna služba Gradskog vijeća,
- Stručna služba kabineta gradonačelnika,
- Služba za internu reviziju,
- Služba za kulturu, sport, mlade i socijalnu zaštitu,
- Gradsko pravobranilaštvo,

ne postoje privredni subjekti s kojima postoji sukob interesa.

Član 4.

U postupcima javnih nabavki koje, na osnovu ovlaštenja Gradonačelnika, provode Stručna služba za zajedničke poslove i Gradska izborna komisija, privredni subjekti koji su isključeni iz postupka javne nabavke zbog postojanja sukoba interesa su:

1. „RIVA“ d.o.o. Tuzla, ID broj: 4209038300009
2. „Proizvodno trgovinski kombinat“ d.o.o. Tuzla, ID broj: 4209208150007.

U postupcima javnih nabavki koje, na osnovu ovlaštenja Gradonačelnika, provodi Služba za prostorno uređenje i zaštitu okoline, privredni subjekt koji je isključen iz postupka javne nabavke zbog postojanja sukoba interesa je:

1. „GROPIUS“ d.o.o. Tuzla, ID broj: 4209124560005.

U postupcima javnih nabavki koje, na osnovu ovlaštenja Gradonačelnika, provodi Služba za geodetske i imovinsko-pravne poslove, evidenciju i upravljanje imovinom, privredni subjekt koji je isključen iz postupka javne nabavke zbog postojanja sukoba interesa je:

1. „GRAPHIC DESIGN“ obrtnička djelatnost Tuzla, ID broj: 4309413650009

Član 5.

Stupanjem na snagu ove Odluke prestaje važiti Odluka o privrednim subjektima s kojima je predstavnik ugovornog organa ili s njim povezane osobe u sukobu interesa broj: 02/04-A-1808-2024 od 02.02.2024. godine i Odluka o izmjenama i dopunama Odluke o privrednim subjektima s kojima je predstavnik ugovornog organa ili s njim povezane osobe u sukobu interesa broj: 02/04-A-10793-2024 od 17.07.2024. godine.

Član 6.

Ova Odluka stupa na snagu danom donošenja, i ista će biti objavljena na službenoj internetskoj stranici Grada Tuzle.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK
Broj: 02/04-A-2411-2026
Tuzla, 18.2.2026.



Obradila: Lejla Husejnović Hukić